

Бичээс цээжлэн Библи судлах

Дараах ишлэлүүдийг судлан Бичээс Цээжлэх чухал шалтгаануудыг жагсаан бичнэ үү.

Дэд хууль 6:6-9 Өнөөдөр чамд миний тушааж буй энэ үгсийг чи зүрхэндээ байлгаж, хөвгүүдээ үүгээр хурцлан, гэртээ сууж байхдаа ч, замд явж байхдаа ч, хэвтэж байхдаа ч, өндийн босохдоо ч түүний тухай ярьж бай. Чи түүнийг тэмдэг болгон гартаа уяж, хоёр нүднийхээ хооронд сахиус мэт байлга. Мөн түүнийг гэрийнхээ хатавчин дээр ч, хаалган дээр ч бич.

Дэд хууль 11:18 Тиймээс та нар миний энэ үгсийг зүрх, сэтгэлдээ тогтоож, түүнийг тэмдэг болгон бугуйндаа уяж, хоёр нүднийхээ хоорондох сахиус мэт байлга.

Дэд хууль 30:14 Харин үг нь чамд тун ойрхон, аманд чинь, зүрхэнд чинь байна. Энэ нь чи түүнийг сахихын тулд юм.

Иошуа 1:8 Хуулийн энэ номыг амнаасаа салгалгүй байж, өдөр шөнөгүй үүнийг бясалган, үүн дотор бичигдсэн бүхнийг сахин биелүүл. Тэгвэл чиний зам өөдөлж, чи амжилтад хүрэх болно.

Дуулал 1:2 ЭЗЭНий хуулийг тэрээр бахдаж Энэ хуулийг өдөр шөнөгүй бясалгана.

Дуулал 37:31 Зүрхэнд нь Бурханых нь хууль оршиж, алхамд нь алдаа эс байдаг.

Дуулал 119:9-11 Залуу хүн зам мөрөө Хэрхэн цэврээр хадгалах вэ? Таны үгийн дагуу сахиснаар билээ. Бүхий л зүрхээрээ би Таныг эрэн хайсан. Тушаалаас тань холдон төөрөхийг Надад бүү зөвшөөрөөч! Таны эсрэг нүгэл хийхгүйн тулд Үгийг тань зүрхэндээ би хадгалав.

Сургаалт Үгс 2:1-5 Хүү минь, үгсийг минь хүлээн авч, Тушаалуудыг минь дотроо нандигнаваас, Мэргэн ухаанд чих тавьж, Ухаан бодролд зүрхээ зүглүүлвээс, Ухаарлыг чи чангаар дуудаж, Ухаарал ойлголтын төлөө дуугаа өндөрсгөвөөс, Цалин цагаан мөнгө мэт үүнийг эрж, Нууц эрдэнэ мэт түүнийг хайваас ЭЗЭНээс эмээхүйг чи ойлгоно Бурханы мэдлэгийг олж авна.

Сургаалт Үгс 3:1-2 Хүү минь, хууль зааврыг минь бүү март Тушаалыг минь зүрхэндээ сахь. Амьдралын чинь хоног жилийн урт, Амар тайвныг эд л чамд нэмнэ.

Сургаалт Үгс 6:20-23 Эцгийнхээ тушаалуудыг сахь, хүү минь. Эхийнхээ заасан хуулийг бүү орхи, үр минь. Зүрхнээсээ үүнийг байнга уя, Хүзүүгээ үүгээр ороо. Энэ нь явахад чинь удирдаж, Нойрсоход чинь хамгаалан, Сэрэхэд чинь чамтай ярина. Тушаал нь дэнлүү, Хууль заавар нь гэрэл, Сургамжит зэмлэлүүд нь амийн зам.

Сургаалт Үгс 7:1-3 Хүү минь, үгийг минь сахь. Тушаалуудыг минь дотроо нандигнаж яв. Тушаалуудыг минь сахиж амьдар. Хууль зааврыг минь нүдний цэцгий мэт Эдгээрийг хуруунууддаа ороо, Тэдгээрийг зүрхнийхээ самбарт бич.

Сургаалт Үгс 22:17-18 Мэргэдийн үгсэд чих тавь Мэдлэг ухаанд минь зүрхээ хандуул! Хэвлийдээ чи эдгээрийг хадгалж, Уруулан дээр чинь энэ үгс бэлэн байваас тааламжтайяа.

Соломоны Дуун 3:8 Тулаанд мэргэшсэн тэд бүгдээр илд агсжээ. Ташаандаа бүгд илдтэй, шөнийн аймшгаас хамгаалжээ.

Иеремиа 20:9 Харин хэрэв “Би Түүнийг дурсахгүй, нэрээр нь дахин ярихгүй” гэвэл Энэ нь миний сэтгэл зүрхэн дотор ясаар минь хаагдаж хүрээлэгдсэн шатаж буй гал мэт болно. Би үүнийг дотроо хадгалвал ядарч, би гэсвэрлэж чадахгүй болно.

Иеремиа 23:28-29 Зүүд зүүдэлсэн эш үзүүлэгч зүүдээ хэлэг. Харин Миний үгтэй нэгэн нь үгийг минь үнэнээр хэлэг. Сүрэл нь үр тариатай юугаараа адил вэ?” гэж ЭЗЭН тунхаглаж байна. “Үг минь галтай адил бус уу?” гэж ЭЗЭН тунхаглаж байна. “Чулууг бутлах алхтай адил бус уу?”

Амос 8:11-12 Харагтун, Би газар дээр өлсгөлөнг илгээх өдрүүд ирж байна” гэж Эзэн БУРХАН тунхаглаж байна. “Талхаар өлсөх, усаар цангах бус, Харин ЭЗЭНий үгийг сонсохын төлөө өлсгөлөн байх юм. Ард түмэн тэнгисээс тэнгис уруу, Умардаас дорно хүртэл гэлдрэх болно. Тэд ЭЗЭНий үгийг эрэн Цааш нааш явах боловч эс олно.

Матай 4:4 Гэвч Есүс —“Хүн зөвхөн талхаар бус, харин Бурханы амнаас гарах үг бүрээр амьдарна” гэж бичигдсэн байдаг хэмээв.

Матай 4:7 Есүс —“Бурхан Эзэнээ бүү сорь” гэж бас бичигдсэн байдаг гэв.

Матай 4:10 Есүс —Зайл, Сатан аа! “Бурхан Эзэндээ чи мөргөж, зөвхөн Түүнд үйлчил” гэж бичигдсэн байдаг юм гэлээ.

Лук 12:49 Би газар дээр гал хаяхаар ирсэн билээ. Энэ гал хэдийнээ ассан байхыг Би ямар их хүснэ вэ!

Лук 24:32 Тэд нэг нэгэндээ —Замд Тэр бидэнтэй ярилцаж, Бичвэрийг бидэнд тайлбарлаж байхад нь зүрх маань [бидний дотор] шатаж байсан бус уу? гээд,

Иохан 15:3 Миний хэлсэн үгээр та нар хэдийнээ цэвэр болжээ.

Иохан 15:7 Та нар Миний дотор, Миний үгс та нарын дотор байваас та нар юу хүссэнээ гуй. Тэгвэл та нарт биелэх болно.

Матай 4:10 Есүс —Зайл, Сатан аа! “Бурхан Эзэндээ чи мөргөж, зөвхөн Түүнд үйлчил” гэж бичигдсэн байдаг юм гэлээ.

Үйлс 2:16-21 Энэ нь эш үзүүлэгч Иоелээр дамжуулан “Бурхан айлдахдаа «Эцсийн өдрүүдэд Би Сүнсээ бүх махбод дээр цутгана. Хөвгүүд, охид чинь эш үзүүлж, залуус чинь үзэгдэл үзэн, хөгшчүүл чинь зүүд зүүдлэх болно. Эр, эм гэлгүй боолуудынхаа дээр Тэр өдрүүдэд Би Сүнсээ цутгана. Тэд эш үзүүлэх болно. Би дээр тэнгэрт совин ёр, доор газарт тэмдгүүдийг өгнө. Энэ нь цус, гал, суунаглах утаа билээ. Эзэний агуу, цог жавхлант өдөр ирэхийн өмнө нар харанхуйлж, сар цус мэт болно. Эзэний нэрийг дууддаг бүхэн аврагдах болно» хэмээв” гэснээр болжээ.

Үйлс 2:25-28 Давид Түүний тухай “Эзэн өмнө минь үргэлж байгааг би харсан. Тэр миний баруун талд байдаг учраас би ганхахгүй. Тиймээс зүрх минь баярлаж, хэл минь баяслаа. Махбод минь ч найдвар дотор оршино. Учир нь Та сэтгэлийг минь үхэгсдийн оронд орхихгүй, ариун нэгэндээ ялзралыг үзүүлэхгүй. Өөрт минь Та амийн замыг мэдүүлж, Өөрийнхөө оршихуйгаар надад баяр хөөрийг дүүргэнэ” гэсэн байдаг.

Үйлс 13:47 Учир нь Эзэн бидэнд ийнхүү тушаасан. “Чи авралыг газрын хязгаарт хүргэхийн тулд Би чамайг харийнханд гэрэл болгон тавьсан” гэв.

Ром 12:2 Энэ үеийн явдалд нийцэлгүй, харин оюун санааныхаа шинэтгэлээр өөрчлөгдөж байгтун! Тэгвэл Бурханы сайн, тааламжит, төгс төгөлдөр таалал юу болохыг таних болно.

Ефес 4:23-24 оюун санааныхаа сүнс дотор шинэчлэгдэж, үнэний зөвт байдал ба ариун чанар дор Бурханы дагуу бүтээгдсэн шинэ хүнийг өмс.

2 Тимот 3:16-17 Бичвэр бүр Бурханы амьсгалснаар бөгөөд заахуй, зэмлэхүй, залруулахуй, зөвд чиглүүлэхүйд тустай.¹⁷ Энэ нь Бурханы хүн чадамгай, аливаа сайн үйлд бүрэн бэлтгэгдсэн байхын тулд юм.

Ервей 4:12 Учир нь Бурханы үг амьд бөгөөд идэвхтэй, хоёр талдаа иртэй ямар ч илдээс хурц бөгөөд сэтгэл хийгээд сүнсийг, үе мөч хийгээд нугас чөмгийг салтал нэвтрэн ордог агаад зүрхний бодол хийгээд санааг ч шүүх чадвартай юм.

1 Иохан 2:14 Нялхас аа, та нар Эцэгийг мэддэг тул би та нарт бичлээ. Эцгүүд ээ, эхнээсээ байгаа Түүнийг та нар мэдсэн тул би та нарт бичсэн. Залуус аа, та нар хүчтэй, Бурханы үг та нарын дотор байдаг бөгөөд ёрын нэгнийг дийлсэн тул би та нарт бичлээ.